

ხელშეკრულება სახელმწიფო შესყიდვის შესახებ N133

(იჯარის შესყიდვა)

ქალაქი ფოთი

26 ივლისი „2018 წელი

1. ხელშეკრულების მხარეები

1.1 ერთის მხრივ, ა(ა)იპ „ქალაქ ფოთის მუნიციპალიტეტის სერვისების ცენტრი“ მისი დირექტორის ზაზა ვადაქარიას სახით შემდეგში „შემსყიდველი“, და მეორეს მხრივ, შპს „გელმარი“, მისი დირექტორის გულნარა კველიას სახით შემდეგში „მიმწოდებელი“ ვლებთ ხელშეკრულებას შემდეგზე:

1.2 „შემსყიდველი“ 2018 წლის სახსრებით ელექტრონული ტენდერის საშუალებით შეისყიდის, ხოლო „მიმწოდებელი“ მიაწოდებს იჯარას დანართი N1-ის შესაბამისად.

2. ხელშეკრულების ობიექტის დასახელება, შესყიდვის კატეგორია

2.1 შესყიდვის ობიექტი - სატვირთო ბორტიანი ავტომობილის იჯარა მძღოლ-ოპერატორით იჯარა

2.2 შესყიდვის საშუალება - ელექტრონული ტენდერი (სატენდერო განაცხადი **SPA180005972**; გამოცხადების თარიღი **03.07.2018 13:37**)

2.3 შესყიდვის კატეგორია - 455 00000 - სამშენებლო და სამოქალაქო მშენებლობის მანქანა-დანადგარებისა და მათი ოპერატორების დაქირავება

2.4 კლასიფიკატორის (CPV) კოდები -455 00000 - სამშენებლო და სამოქალაქო მშენებლობის მანქანა-დანადგარებისა და მათი ოპერატორების დაქირავება

3. ხელშეკრულების ღირებულება

3.1 საქონლის საერთო ღირებულება შეადგენს 7 800 (შვიდი ათას რვაასი) ლარს, დღგ-ს გარეშე დანართი #1-ის შესაბამისად, ხოლო დღგ-ს გათვალისწინებით 9 204 (ცხრა ათას ორას ოთხი) ლარი საქართველოში მოქმედი კანონმდებლობით გათვალისწინებული გადასახადების, ტრანსპორტირებისა და სხვა ხარჯების ჩათვლით.

4. შესყიდვის ობიექტის მიწოდების ვადები და პირობები

4.1 შესყიდვის ობიექტის მიწოდების ვადა განისაზღვრება 3 აგვისტოდან 5 თვის განმავლობაში, 2018 წლის 31 დეკემბრის ჩათვლით.

4.2 შესყიდვის ობიექტები ტექნიკურად გამართულ მდგომარეობაში ხელშეკრულების გაფორმების შემდგომ უნდა გადაეცეს შემსყიდველს და განთავსდეს შემსყიდველის კუთვნილ დაცულ ავტოსადგომზე, მისამართზე ქალაქი ფოთი კრატასიუკის N82, რადგან ტექნიკის გამოყენების კონკრეტული სამუშაო საათი არის არალიმიტირებული და ის განისაზღვრება 24/7 პრინციპით მუშაობით საჭიროების შემთხვევაში.

4.3 მიმწოდებელი ვალდებულია განახორციელოს შემსყიდველისათვის ეტაპობრივი მიღება-ჩაბარების აქტის და საგადასახადო დოკუმენტების (ანგარიშ-ფაქტურა, სასქონლო ზედნადები) წარდგენა არაუგვიანეს ყოველი თვის 5 რიცხვისა. შემსყიდველი ვალდებულია წარმოდგენილი საგადასახადო დოკუმენტების დადასტურება, ან ხარვეზის არსებობის შემთხვევაში პრეტენზიის გამოთქმა და

შესაბამისი კორექტირების მოთხოვნა განახორციელოს საგადასახადო დოკუმენტების მიღებიდან 5 სამუშაო დღის ვადაში.

4.4 შემსყიდველი იტოვებს უფლებამოსილებას მისი საჭიროებიდან გამომდინარე 10 სამუშაო დღით ადრე წერილობითი შეტყობინების საფუძველზე შეწყვიტოს ხელშეკრულება.

5. შესყიდვის ობიექტის ხარისხი და ვალდებულებები

5.1 იჯარის პერიოდში შემსყიდველი განახორციელებს იჯარით აყვანილი ავტომობილის გამართვას საპოხი მასალებით და საწვავით. ასევე ექსპლოატაციის პერიოდში შემსყიდველის ბრალეულობით დაზიანების შემთხვევაში გასაწევ დანახარჯებს დაფარავს შემსყიდველი.

5.2 იჯარის პერიოდში პერიოდული ტექნიკური და სარემონტო სამუშაოები იჯარით გადაცემულ ტექნიკაც უნდა ჩაუტაროს მიმწოდებელმა საკუთარი სახსრებით, ასეთი მომსახურების გაწევის აუცილებლობის წარმოშობიდან 3 კალენდარული დღის ვადაში.

6. ხელშეკრულების კონკრეტული მოქმედების ვადა

6.1 ხელშეკრულების კონკრეტული მოქმედების ვადა განისაზღვრება, ხელშეკრულების ხელის მოწერის დღიდან და მოქმედებს 2019 წლის 31 იანვრის ჩათვლით.

7. შესყიდვის ობიექტის ანგარიშსწორების ფორმა

7.1 მიმწოდებელთან ანგარიშსწორება განხორციელდება - ლარებში.

7.2 შესყიდვის ობიექტის მიწოდების ღირებულების ანაზღაურება მოხდება უნაღლო ანგარიშსწორებით – (გადარიცხვა).

7.3 მიმწოდებელთან ანგარიშსწორება უნდა განხორციელდეს ეტაპობრივად ყოველთვიური მიღება-ჩაბარების აქტის გაფორმების და შესაბამისი საგადასახადო დოკუმენტების მიღებიდან არაუგვიანეს 10 (ათი) სამუშაო დღის განმავლობაში.

8. ფორს-მაჟორი

8.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ადგილობრივი ბიუჯეტის დეფიციტი, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

8.2 მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორების გარდა.

9.2 თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების კონტროლი

- 10.1 შემსყიდველ ორგანიზაციას უფლება აქვს ხელშეკრულების პირობების შესრულების კონტროლი დაავალოს, როგორც თანამშრომელს ან თანამშრომელთა ჯგუფს.
- 10.2 ამ მუხლის პირველი პუნქტით გათვალისწინებული პირების ფუნქციაა გასაწევი ან/და გაწეული მომსახურების/მოწოდებული საქონლის მოცულობის ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა.
- 10.3 ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.

11. სხვა პირობები

- 11.1 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან ერთი-მიმწოდებელთან, ერთი-შემსყიდველთან. ხელშეკრულებასთან დაკავშირებული ნებისმიერი მიმოწერა დაკავშირებული უნდა იყოს ქართულ ენაზე.
- 11.2 ხელშეკრულებით ნაკისრი ვალდებულების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, ყოველ ვადაგადაცილებულ დღეზე ხელშეკრულების ღირებულების 0,02%-ის ოდენობით, ხოლო თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 3%-ს.
- 11.3 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.
- 11.4 აღნიშნული ხელშეკრულებით გაუთვალისწინებელი საკითხები რეგულირდება მოქმედი კანონმდებლობით და შემსყიდველის მიერ დამტკიცებული სატენდერო დოკუმენტაციით (სატენდერო განაცხადი **SPA180005972** ; გამოცხადების თარიღი **03.07.2018 13:37**)

12. მხარეთა იურიდიული მისამართები და რეკვიზიტები

„შემსყიდველი“

ა(ა)იპ „ქალაქ ფოთის მუნიციპალიტეტის სერვისების ცენტრი“
დირექტორი:



ზაზა ვადაქარია

მის: ქ. ფოთი, დ. აღმაშენებლის ქ. N12
ს/კ 415101507
სახელმწიფოხაზინა
სახაზინო კოდი 750327499
ბ/კ TRESGE22
ა/ნ GE24NB0330100200165022

„მიმწოდებელი“

შპს „გელმარი“
დირექტორი:



გულნარა კველია

მის: ქ. ფოთი ჭანტურიას ქ. N2
ს/კ 215108087
ს.ს. "ვი-თი-ბი ბანკი ჯორჯია"
ბ/კ: UGEBGE22
ა/ა GE92VT0600000005303605

ბორტიანი სატვირთო ავტომობილის ოპერატორით დაქირავება

განფასება

იჯარის საგანი	განზომილების ერთეული	რაოდენობა	ერთეულის ფასი	ჯამი
ბორტიანი სატვირთო ავტომობილი	თვე	5	1560	7800
ჯამი დღგ-ს გარეშე				7800

„შემსყიდველი“

ა(ა)იპ „ქალაქ ფოთის მუნიციპალიტეტის სერვისების ცენტრი“
დირექტორი:



ზანა ვადაქარია

„მიმწოდებელი“

შპს „გელმარი“

დირექტორი:



ბულნარა კეკელია